

14 Með því að í erindi þessu er hvorki talað um það, hverja muni eigi að
 24. febr. halda lotterí um, nje hve marga sedla skuli gefa út og hve dýrt þeir skuli seld-
 ir, getur hið umrædda leyfi eigi orðið veitt.

Þetta er yður, herra bæjarfógeti, hjermeð þjónustusamlega til vítundar
 gefið til þóknanlegrar leiðbeiningar og frekari birtingar, að því viðbættu, að jeg
 eptir því sem nú er ástatt eigi mundi hafa veitt hið umbeðna leyfi, þótt beiðnin
 um það hefði verið betur útbúin.

15
 27. febr.

Samþykkt

um afnám fiskiveiðasamþykktar.

Sýslunefndin í Gullbringu- og Kjósarsýslu hefir með lögákveðinni hlut-
 deild bæjarstjórnarinnar í Reykjavík, samkvæmt lögum 14. des. 1877 um ým-
 isleg atriði, er snerta fiskiveiðar á opnum skipum, og lögum 4. des. 1886 um
 breyting á fyrnefndum lögum, gjört eptirfylgjandi

SAMÞYKKT

um afnám samþykktar um þorskanetalagnir í sunnanverðum Faxaflóa.

Samþykkt um þorskanetalagnir í sunnanverðum Faxaflóa, dags. 17. febr.
 1897, skal hjermeð úr gildi numin.

Samþykkt þessi er hjermeð staðfest af undirskrifuðum amtmanni til þess
 hún öðlist gildi þann dag, þegar 7 dagar eru liðnir frá þeim degi, er það tölu-
 blað kemur út af Stjórnartíðindum B., er samþykktin birtist í.

Þetta er hjermeð kunngjört öllum hlutaðeigendum til eptirbreytni.

Suðuramtið, Reykjavík 27. febr. 1899.

J. Havsteen.